


PICNIC



Pictiúr: Radharc:

Daidí, Mamaí, agus na leanaí ag dul ar phicnic; ansin iad ina suí faoi chrann, an ghrian sa spéir, ciseán an bhia, ceapairí, cupán líomanáide, mála briosaí, ciorcal cainte.

Céim 4: Uachtar reoite (Ceacht 12), cnónna (Ceacht 11), úlla (Ceacht 11), milseáin (Ceacht 19).

Gníomhartha agus geáitsíocht a dhéanamh de réir mar a bhíonn gá leo.

CÉIM 1. CLOISTEÁIL AGUS AITHINT

Cuntas Reatha

Lá breá samhraidh a bhí ann. Chuaigh an t-athair, an mháthair agus na leanaí ar phicnic. Thug siad rudaí deasa leo. Bhí áthas orthu.

Agallamh

DAIDÍ: Tá an áit seo go deas tirim. Súfimid síos anois.

MAMAÍ: Tabhair dom an mála, más é do thoil é, a Bhríd.

Cuntas Reatha

Thóg Mamaí amach an líomanáid. Thug sí cupán líomanáide do gach duine. Thóg Páid amach na ceapairí agus na briosaí.

Agallamh

BRÍD: Ó, tá an líomanáid go hálainn!

PÁID: B'fhearr liomsa na ceapairí mar tá ocraas orm.

CÉIM 2. AITHRIS

CÉIM 3. ATHRÁ Ó SPREAGTHAIGH

(a) Spreagthaigh shúl (mar atá i gCéim 1);

(b) Spreagthaigh chluas:

Cén sórt lae a bhí ann?

Céard (cad) a rinne an chlann?

Thug siad rud éigin leo?

Bhí brón orthu, is dócha?

Tusa, a “Dhaidí”, céard a deir tú faoin áit?

Céard a dhéanfaidh sibh?

Tusa, a “Mhamaí”, abair le Bríd an mála a thabhairt duit.

Céard a rinne Mamaí?

Agus ansin?

Céard a rinne Páid?

Tusa, a “Bhríd”, céard a deir tú faoin líomanáid?

Agus céard a deir tú faoi na ceapairí, a “Pháid”?

CÉIM 4. CLEACHTADH MÚNLAÍ AGUS FOCLÓRA

1. Thug *siad* rudaí deasa *leo*.
(*mise, tusa, eisean, ise, Seán, an cailín*).
2. Thóg Páid amach *na ceapairí*.
(*an bia, an citeal, an glantóir, an raidió, etc.*).
3. Thóg Bríd amach an líomanáid.
(*gach lá, anois, amárach; níor, ar?: inné; ní, an?: amárach*).
4. B'fhéarr liomsa *na ceapairí*.
(*milseáin, brioscaí, uachtar reoite, úlla, oráistí, bia, picnic, cnónna*).

CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.
2. Scéal a chumadh:
Chuaigh mé ar phicnic lá amháin . . .
3. Dráma beag:
Páid agus Bríd ag glanadh suas tar éis na picnice: mím agus geáitsíocht a úsáid.

4. Thosaigh sé ag cur báistí: Cur síos ar ar tharla ansin.
5. Comhrá faoin bpictiúr agus ceisteanna ó pháistí ar a chéile agus ar an múinteoir.
6. Cluiche:
Tomhais cad a chuir Mamaí sa mhála: mím nó pictiúir a úsáid.

Rann Ceoil (An ceol ar théip)

I

Chuaigh Daidí, Mamaí agus na leanaí
Ar phicnic lá, ar phicnic lá
Rinne siad tine, rinne siad tae
Ar lá breá álainn samhraidh.

Curfá

Ó picnic, picnic, picnic dheas
Is maith liom picnic, picnic dheas
Ó picnic, picnic, picnic dheas
Ar lá breá álainn samhraidh.